

যুগান্তর

প্রিন্ট: ২৬ অক্টোবর ২০২৫, ১০:২১ এএম

শিক্ষাঙ্গন

ষষ্ঠ ও নবম শ্রেণিতে রেজিস্ট্রেশনের শেষ সুযোগ



যুগান্তর প্রতিবেদন

প্রকাশ: ২৪ অক্টোবর ২০২৫, ০৪:৫৯ পিএম



ষষ্ঠ শ্রেণি ও নবম শ্রেণিতে অধ্যয়নরত বাদপড়া শিক্ষার্থীদের জন্য ফের অনলাইনে রেজিস্ট্রেশনের সুযোগ দিয়েছে ঢাকা মাধ্যমিক ও উচ্চমাধ্যমিক শিক্ষা বোর্ড। এ ধাপের রেজিস্ট্রেশন শুরু হয়েছে গত ২৩ অক্টোবর, যা চলবে ২৮ অক্টোবর পর্যন্ত। এ সময়সীমার পর কোনোভাবেই আর রেজিস্ট্রেশন করার সুযোগ থাকবে না।

বৃহস্পতিবার (২৩ অক্টোবর) রাতে ঢাকা বোর্ডের ওয়েবসাইটে এ সংক্রান্ত একটি চিঠি প্রকাশ করা হয়েছে। চিঠিটি বোর্ডের আওতাধীন অনুমোদিত সব মাধ্যমিক ও স্কুল অ্যান্ড কলেজের অধ্যক্ষ ও প্রধান শিক্ষকদের কাছে পাঠানো হয়েছে।

চিঠিতে বলা হয়, বোর্ডের অনুমোদিত ও স্বীকৃতিপ্রাপ্ত শিক্ষাপ্রতিষ্ঠানে অধ্যয়নরত শিক্ষার্থীদের নির্ধারিত সময়ে রেজিস্ট্রেশন কার্যক্রম সম্পন্ন করা বাধ্যতামূলক। নির্ধারিত সময়সীমার মধ্যে রেজিস্ট্রেশন না হলে এর দায়-দায়িত্ব প্রতিষ্ঠান প্রধানকে বহন করতে হবে।

এছাড়া অন্য শিক্ষা বোর্ড থেকে আগত টিসি (ট্রান্সফার সার্টিফিকেট) দ্বারা ভর্তি হওয়া শিক্ষার্থীদেরও নির্ধারিত সময়ের মধ্যে রেজিস্ট্রেশন সম্পন্ন করতে হবে।

